

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10 i 3/23), i člana 20. stav (3) i člana 24. stav (3) Odluke o osnivanju Javnog preduzeća Televizija Zeničko-dobojskog kantona ("Sl. novine Zeničko-dobojskog kantona", br. 10/25), a u vezi sa članom 7. Zakona o ministarskim vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 98. sjednici, održanoj 22.09.2025. godine, d o n o s i

O D L U K U

o dopunama Odluke o utvrđivanju Standarda i kriterija Vlade Zeničko-dobojskog kantona za imenovanja/nominiranja na upražnjenu poziciju u reguliranim tijelima Zeničko-dobojskog kantona

Član 1.

(Dopuna DIJELA DRUGOG)

U Odluci o utvrđivanju Standarda i kriterija Vlade Zeničko-dobojskog kantona za imenovanja / nominiranja na upražnjenu poziciju u reguliranim tijelima Zeničko-dobojskog kantona ("Službene novine Zeničko-dobojskog kantona", broj: 4/15, 7/15, 11/16, 5/23, 10/23 i 5/24) u DIJELU DRUGOM - REGULIRANA TIJELA U KOJIMA JE VLADA ODGOVORNI JAVNI SLUŽBENIK U OBLASTI PRIVREDE I DJELATNOSTI VEZANIH ZA PRIVREDU iza POGLAVLJA V - TURISTIČKA ZAJEDNICA ZENIČKO-DOBOJSKOG KANTONA dodaje se
„POGLAVLJE VI - SKUPŠTINA I NADZORNI ODBOR JP "TELEVIZIJA ZENIČKO-DOBOJSKOG KANTONA" D.O.O. ZENICA

Član 9c.

(Posebni uvjeti za imenovanje/ nominiranje)

(1) Posebni uslovi za imenovanje člana Skupštine Javnog preduzeća „Televizija Zeničko-dobojskog kantona“ d.o.o. Zenica su:

- a) VSS, VII stepen stručne spreme, dokaz o završenom visokom obrazovanju, odnosno prvog (najmanje 240 ECTS bodova) drugog ili trećeg ciklusa Bolonjskog sistema studiranja,
- b) najmanje 5 godina radnog iskustva nakon sticanja visoke stručne spreme,
- c) da nije član nadzornog ili upravnog odbora, odnosno odbora za reviziju nekog privrednog društva ili ustanove,
- d) da nije dioničar sa 50% i više dionica, direktor i član uprave bilo kojeg dioničkog društva, kao i vlasnik sa 50% i više vlasništva, direktor i član uprave bilo kojeg društva sa ograničenom odgovornošću,
- e) da nije član Nadzornog odbora JP „Televizija Zeničko-dobojskog kantona“ d.o.o. Zenica,
- f) da posjeduje stručno znanje iz oblasti rada i organizacije privrednih društava i/ili institucija,
- g) komunikacijske i organizacijske sposobnosti,
- h) sposobnost tumačenja ekonomskih, tehnoloških i pravnih analiza i propisa,
- i) sposobnost upravljanja finansijskim i ljudskim resursima.

(2) Posebni uslovi za imenovanje/nominiranje člana Nadzornog odbora Javnog preduzeća „Televizija Zeničko-dobojskog kantona“ d.o.o. Zenica su:

- a) VSS, VII stepen stručne spreme, dokaz o završenom visokom obrazovanju, odnosno prvog (najmanje 240 ECTS bodova) drugog ili trećeg ciklusa Bolonjskog sistema studiranja,
- b) najmanje 5 godina radnog iskustva nakon sticanja visoke stručne spreme,
- c) da nije član nadzornog ili upravnog odbora, odnosno odbora za reviziju nekog privrednog društva ili ustanove,
- d) da nije dioničar sa 50% i više dionica, direktor i član uprave bilo kojeg dioničkog društva, kao i vlasnik sa 50% i više vlasništva, direktor i član uprave bilo kojeg društva sa ograničenom odgovornošću,
- e) da nije član Skupštine JP „Televizija Zeničko-dobojskog kantona“ d.o.o. Zenica,
- f) da posjeduje Certifikat o završenom usavršavanju izdat od strane nadležnog organa, a u skladu sa važećim odredbama Uredbe o usavršavanju predsjednika i članova nadzornih odbora i uprava gospodarskih društava sa sudjelovanjem državnog kapitala,
- g) da posjeduje stručno znanje iz oblasti rada i organizacije privrednih društava i/ili institucija,
- h) komunikacijske i organizacijske sposobnosti,
- i) sposobnost tumačenja ekonomskih, tehnoloških i pravnih analiza i propisa,
- j) sposobnost upravljanja finansijskim i ljudskim resursima.

(3) Prilikom procjene posebnih uslova, kriteriji navedeni u stavu (1) tačka od f) do i) i kriteriji navedeni u stavu (2) tačka g) do j) izrazit će se bodovima od 1-5.

Član 2.

(Dopuna člana 23.)

U članu 23. iza tačke f) dodaje se nova tačka g) koja glasi:

g) Ministarstvo za prostorno uređenje, promet i komunikacije i zaštitu okoline za člana Skupštine i Nadzornog odbora JP „Televizija Zeničko-dobojskog kantona“ d.o.o. Zenica.

Član 3.

(Stupanje na snagu)

Ova odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: 02-02-17364/25

Datum, 22.09.2025. godine

Zenica

PREMIJER

Nezir Pivić

DOSTAVLJENO:

1x Ministarstvo za prostorno uređenje,

promet i komunikacije i zaštitu okoline,

1x „Službene novine Zeničko-dobojskog kantona“,

1x a/a.